



CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E O CLÚSTER SAÚDE DE GALICIA, CSG, CO FIN DE ACOLLER BOLSEIROS/AS PARA A ADQUISICIÓN DE COMPETENCIAS PROFESIONAIS EN MATERIA DE INTERNACIONALIZACIÓN EMPRESARIAL

Santiago de Compostela, 9 de setembro de 2019

REUNIDOS

Dunha parte, D. Juan Manuel Cividanes Roger, en representación do Instituto Galego de Promoción Económica (Igape), con CIF Q6550010J e domicilio no Complexo Administrativo de San Lázaro s/n, 15703 Santiago de Compostela (A Coruña). Está facultado para este acto en virtude da delegación de facultades do 23 de decembro de 2016 do presidente do Igape, feita pública mediante Resolución do 25 de xaneiro de 2017 (DOG nº 23, do 2 de febreiro de 2017).

E doutra parte, D./D^a. ***** en representación do Clúster Saúde de Galicia, CSG, con CIF G70308143 e domicilio fiscal na Avda. Fernando de Casas Novoa, 37, Portal A-B, 1^a, 15707 Santiago de Compostela (A Coruña).

As partes recoñécense mutuamente capacidade xurídica suficiente,

EXPOÑEN

- 1.- Que mediante Resolución da Dirección Xeral do Igape do 13 de abril de 2018 publicáronse as bases reguladoras do Programa de adquisición de competencias profesionais en materia de internacionalización empresarial.
- 2.- Que estas bases regulan a concesión dun máximo de 40 bolsas de formación práctica -no ámbito da internacionalización empresarial- para realizar labores de investigación de mercados, estudo de empresas e a súa planificación para internacionalización e, para investigación das posibilidades de cooperación internacional entre empresas galegas e estranxeiras.
3. - Que os posibles destinos dos bolseiros/as indicados nas bases son: oficinas do Igape e Xunta, oficinas comerciais de España no exterior, cámaras de comercio españolas no estranxeiro, organismos multilaterais, organismos intermedios galegos, centros de investigación, empresas e/ou outros organismos en Galicia ou no estranxeiro.
- 4.- Que ambas organizacións coinciden no interese de colaborar en accións que faciliten o acceso das empresas a novos mercados, a formación de persoal especializado en internacionalización, e o acceso das empresas galegas a profesionais con este perfil.
- 5.- Que, convido aos lexítimos intereses dos comparecentes, acordan regular a dita colaboración de acordo coas seguintes



CLÁUSULAS

PRIMEIRA.-

É obxecto do presente convenio regular as relacións de colaboración entre o Igape e Clúster Saúde de Galicia, CSG para a acollida dun bolseiro/a da convocatoria do Programa de adquisición de competencias profesionais en materia de internacionalización empresarial.

SEGUNDA.-

A duración inicial da bolsa no organismo de acollida é de 9 meses e, a data de comezo estímase no mes de xaneiro de 2020.

A dotación da bolsa será pagada integramente polo Igape ao bolseiro/a, e inclúe todos os impostos de carácter persoal así como a seguridade social. O Igape non aboará ningunha cantidade á entidade colaboradora. No caso de que das tarefas encomendadas polo organismo se incorra noutros gastos non cubertos polas bases reguladoras do programa, estes gastos serán por conta do organismo.

O Igape asignará o bolseiro/a ao Clúster Saúde de Galicia, CSG tendo en conta a puntuación final obtida polo bolseiro/a na resolución definitiva, e as súas preferencias.

O Igape poderá substituír ao bolseiro/a no caso de renuncia do bolseiro/a anterior ou por cambio de destino por causa xustificada.

TERCEIRA.-

A colaboración de Clúster Saúde de Galicia, CSG consistirá en:

- A execución, dentro do horario laboral, do plan de formación establecido polo Clúster Saúde de Galicia, CSG, que se une como anexo ao presente convenio.
- A realización, a través do/da(s) titor/a(es) proposto/a(s) e que se indica no anexo ao presente convenio, do seguimento da actividade desenvolta polo bolseiro/a dentro do programa de formación establecida, e a provisión do asesoramento necesario para o seu correcto desenvolvemento e integración.
- A realización e envío ao Igape de informes acumulados trimestrais de execución e resultados do programa de formación, así como o informe final.
- Permitir a execución por parte do bolseiro/a de tarefas complementarias que o Igape lle poida asignar así como a participación en reunións, seminarios, aos que o bolseiro/a sexa convocado polo Igape, sendo neses casos por conta do Igape os gastos de desprazamento, que se aboarán directamente ao bolseiro/a como parte da dotación da bolsa.
- A posta a disposición das instalacións e os medios apropiados para o desenvolvemento da bolsa.
- A inclusión do bolseiro/a no plan de prevención de riscos do Clúster Saúde de Galicia, CSG, asegurándose de que é coñecedor do(s) dito(s) plan(s).
- O bolseiro/a deberá cumprir co réxime de ordenamento interno do Clúster Saúde de Galicia, CSG.



- Subministrar toda a información necesaria para que o Igape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.

CUARTA.-

As actividades do beneficiario serán en todo caso formativas, sen que en ningún suposto poida ostentar a condición de responsable, nin tan sequera de facto, da execución de calquera tipo de actividade. O bolseiro/a deberá estar en todo momento supervisado e controlado polo titor/a que se lle designe, que será quen adopte calquera decisión que se considere necesaria e vele porque o beneficiario aproveite con éxito o proceso de formación.

Os dereitos e as obrigas establecidas en virtude do presente convenio de colaboración non presupoñen relación laboral nin de servizos entre o Clúster Saúde de Galicia, CSG e o bolseiro/a.

QUINTA.-

A entrada en vigor do convenio será desde a data efectiva de incorporación do bolseiro/a ao Clúster Saúde de Galicia, CSG. A súa duración será de 9 meses.

SEXTA.-

As controversias que puidesen xurdir da interpretación do presente convenio resolveranse por unha Comisión Mixta constituída por un representante designado por cada unha das partes e presidida polo director xeral do Igape, a cal se reunirá a convocatoria de calquera dos seus membros, poñendo os seus acordos fin á vía administrativa e correspondendo contra os mesmos recurso contencioso-administrativo ante os Xulgados de Santiago de Compostela.

SÉTIMA.-

As partes poderán modificar ou resolver o presente convenio en calquera momento por mutuo acordo. Así mesmo, poderán denunciar o presente convenio en calquera momento por vontade expresa de calquera das partes cun preaviso de quince días naturais.

A entidade colaboradora someterase aos mecanismos de inspección e de control que o Igape considere convintes, vinculadas ás actividades formativas dos beneficiarios en relación coa bolsa concedida

O incumprimento de calquera das obrigas contraídas no presente convenio por unha das partes facultará á outra para resolver o mesmo, cos efectos que legalmente procedan.

OITAVA.-

Clúster Saúde de Galicia, CSG consinte expresamente a inclusión dos datos persoais e relevantes deste convenio nos rexistros públicos que proceda, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia, e poderá exercer os seus dereitos de acceso, rectificación, cancelación e oposición respecto do contido dos rexistros antes citados ante a Dirección Xeral do Instituto Galego de Promoción Económica, sito no Complexo Administrativo de San Lázaro s/n, 15703 Santiago de Compostela.

NOVENA.-

O presente convenio ten natureza administrativa e rexerase polas súas propias cláusulas e no disposto por elas, polas normas de Dereito Público español, isto é, a Lei 39/2015, do 1 de outubro, do procedemento administrativo común das administracións públicas e demais normas subsidiarias.

O presente convenio obriga ao cumprimento do expresamente pactado, someténdose as partes ao acordado en tódalas estipulacións, e como proba de conformidade asínase por duplicado exemplar no lugar e data arriba indicados.

Polo Igape:

Polo Clúster Saúde de Galicia, CSG:

Asdo.: Juan Manuel Cividanes Roger

Asdo.: *****

ANEXO PLAN DE FORMACIÓN	
NOME TITORA DO/A BOLSEIRO/A:	*****
MERCADOS DE INTERESE:	Israel, China, Eslovenia, Polonia, Holanda, Dinamarca, Suecia, Estonia e Estados Unidos principalmente, pero non exclusivamente. Tamén se abren outros mercados como Romanía e Serbia e estanse a levar a cabo accións con varios países latinoamericanos (Ecuador e Perú, principalmente).
ACCIÓN INTERNACIONALIZACIÓN PREVISTAS 2019/2020:	Prevese accións de continuidade das nosas misións realizadas en 2019 e unha primeira misión nun mercado latinoamericano ou estadounidense. Xa se está preparando unha misión directa a China para marzo de 2020 e unha misión inversa dunha delegación de Polonia para o primeiro semestre de 2020. Tamén se avalía unha misión directa para algún mercado latinoamericano durante o segundo semestre de 2020. Con Dinamarca, Suecia e Eslovenia, están previstas accións de busca de socios para proxectos de colaboración europeos dentro da rede TIM á que pertence o CSG desde 2019. Como coordinadores da rexión de Galicia dentro da rede de ecosistemas sanitarios ECHAlliance, participamos activamente en eventos e reunións internacionais da rede. ECHAlliance son os nosos socios en varias misións como Eslovenia, Serbia e Holanda, polo que ademais das reunións anuais da rede e misións a outros mercados, tamén controlaremos as accións realizadas en 2019 con elas. As nosas accións de internacionalización son principalmente misións directas ou indirectas co obxectivo de internacionalizar a innovación



	sanitaria do noso tecido empresarial. Buscamos xerar colaboración rexional e incluso nacional para poder internacionalizar proxectos chave en man dos nosos consorcios. Non descartamos a posibilidade de realizar outro tipo de accións internacionais como a participación en feiras, foros ou obradoiros de innovación.
PLAN DE TRABAJO E TAREFAS DO BOLSEIRO/A:	A/O xerente do CSG, *****, será a/o titor/a do interno e informará do seu funcionamento e especialmente da súa liña de internacionalización. O xerente apoiará en todo momento ao bolseiro/a nas súas tarefas. As principais tarefas, que non son únicas, do bolseiro/a serán: - Participación activa no desenvolvemento do plan estratéxico do CSG 2020-2024, con especial dedicación á liña de internacionalización. - Preparación e xustificación das convocatorias para financiar accións de internacionalización do CSG a nivel rexional, nacional e europeo. - Apoio ao xerente na preparación e execución de accións de internacionalización. - Participación en reunións de equipos nas redes internacionais TIM e ECHAlliance. - Elaboración de informes de actividade. - Colaboración co xerente na actualización das tarxetas dos socios e visitas de seguimento. - Asistencia ao xerente nas reunións do Consello de Administración, sempre que o órgano de goberno do CSG o considere oportuno. Se se xera unha nova tarefa non mencionada anteriormente, o xestor discutirá co concesionario a natureza da nova acción para chegar a un acordo sobre a súa participación.